

名相解釋

【尼拘陀】(佛學大辭典(丁福保))

(植物) **Nyagrodha**，又作尼瞿陀，尼俱陀，尼拘律，尼拘尼陀，尼拘盧陀，尼俱類，尼拘類陀，尼拘婁陀，尼拘屢陀，諾瞿陀等。樹名。原語有生長於下之樹之意味。即榕樹 (Ficus Indica) 也。以下諸釋中以縱廣樹為最當。

玄應音義三曰：「尼拘尼陀，應云尼拘盧陀，此譯云無節，亦云縱廣樹也。」

同二十四曰：「尼拘尼陀，作尼拘陀，或尼拘類陀，或尼拘屢陀。」

同二十二曰：「諾瞿陀，舊經中作尼拘陀，或言尼俱盧陀，亦作尼俱律，又作尼俱類，皆訛也。舊譯云無節，或言縱廣也。」

慧琳音義十五曰：「尼拘陀，此樹端直無節，圓滿可愛，去地三丈餘，方有枝葉。其子微細如柳花子，唐國無此樹，言是柳樹者訛也。」

【生死流】(佛學大辭典(丁福保))

(譬喻) 生死能使人漂沒，故名為流。

無量壽經下曰：「設滿世界火，必過要聞法。要當成佛道，廣濟生死流。」

【四暴流】(參考：法相辭典(朱芾煌編)、Wikipedia「瀑流(佛教)」及 CBETA)

暴，音勺么、，强大而突然来的，又猛又急的。(From: www.zdic.net)

瑜伽八十九卷十頁云：復次，欲貪瞋等欲界所繫煩惱。行者欲界所繫上品煩惱未斷未知，名欲暴流，有、見、無明三種暴流，如其所應，當知亦爾。

謂於欲界未得離欲，除諸外道，名欲暴流；已得離欲，名有暴流；

若諸外道從多論門，當知有餘二種暴流。謂諸惡見略攝為一，名見暴流。惡見因緣略攝為一，說名第四無明暴流。

瀑，此同「暴」，音勺么、。

二解 大毗婆沙論四十八卷：

有四瀑流，謂欲瀑流，有瀑流，見瀑流，無明瀑流。...(略)...

問：何故名瀑流？瀑流是何義？

答：漂激¹義，騰注²義，墜溺義，是瀑流義。

漂激義是瀑流義者，謂諸煩惱等漂激有情，令於諸界、諸趣、諸生生死流轉。

騰注義是瀑流義者，謂諸煩惱等騰注有情，令於諸界、諸趣、諸生生死流轉。

墜溺義是瀑流義者，謂諸煩惱等墜溺有情，令於諸界、諸趣、諸生生死流轉。

三解 集異門論八卷五頁云：

四瀑流者，一、欲瀑流，二、有瀑流，三、見瀑流，四、無明瀑流。

云何欲瀑流？答：除欲界繫諸見無明，諸餘欲界繫結縛隨眠隨煩惱纏，是名欲瀑流。

云何有瀑流？答：除色、無色界繫諸見無明，諸餘色、無色界繫結縛隨眠隨煩惱纏，是名有

1 《一切經音義》卷第七十：「浮吹曰漂。流急曰激。漂亦搖蕩也。」

2 騰：奔騰也。騰注，水奔騰流注。

瀑流。

云何見瀑流？答：謂五見，一、有身見，二、邊執見，三、邪見，四、見取，五、戒禁取。如是五見，名見瀑流。

云何無明瀑流？答：三界無智，是名無明瀑流。

四解入阿毗達磨論上十六頁云：瀑流有四，謂欲、有、見、無明瀑流。欲漏中除見，名欲瀑流，有二十九物。有漏中除見，名有瀑流，有三十物。三界諸見，名見瀑流，有三十六物。三界相應不共無明，名無明瀑流，有十五物。漂奪一切有情勝事，故名瀑流，如水瀑流。

其餘補充：

《增壹阿含經》卷二十三：「汝今當知，如來亦說有四流法。若一切眾生沒在此流者，終不得道。云何為四？所謂欲流，有流，見流，無明流。」

《瑜伽師地論》卷八：「深難渡故，順流漂故，故名暴流。」

《阿毘達磨俱舍論》卷二十：「准此經意：於境界中，煩惱不絕，說名為漏。若勢增上，說名瀑流。謂諸有情，若墜於彼，唯可隨順，無能違逆。涌泛漂激，難違拒故。」

《雜阿含經》卷四十八：「天子復問：『無所攀緣，亦無所住，而度駛流，其義云何？』佛言：『天子！我如是如是抱，如是如是直進，則不為水之所漂。如是如是不抱。如是如是不直進，則為水所漂。如是，天子！名為無所攀緣，亦無所住而度駛流。』」

《別譯雜阿含經》卷九：「時有一天，光色倍常，於其夜中，來詣佛所，威光普照，遍於祇洹，赫然大明，卻坐一面，而說偈言：

『都無所緣攀，又無安足處，甚深洪流中，誰能不沈沒？
誰有勤精進，能度瀑駛流？』

爾時，世尊以偈答曰：

『淨持於禁戒，修智及禪定，觀察內身念，難度而得度。
得離於欲結，出過色有使，盡於歡喜有³，如是能履深，
而不為沒溺，能度瀑駛流。』」

《別譯雜阿含經》卷九：「天復問曰：『瞿曇！汝今云何於此駛流，無可攀挽，無安足處，而能得度？』佛答天曰：『若我懈怠，必為沈沒。若為沈沒，為所漂。若我精進，必不沈沒。若不沈沒，不為所漂。我於如是大洪流中，無可攀挽，無安足處，而能得度此大駛流。』」

《別譯雜阿含經》卷十五：

如是我聞：一時，佛在王舍城迦蘭陀竹林。時二夜叉：一名七岳，二名雪山。此二夜叉共為親友，而作誓言：「若汝宮中有妙寶出，當語於我；若我宮中有妙寶出，亦當語汝。」時雪

3 【盡於歡喜有】南傳作「貪之歡喜已被滅盡者」(Nandīrāgaparikkhīṇo)，菩提比丘長老依錫蘭本(Nandībhavaparikkhīṇo)英譯為「對存在歡樂的破壞者」(Who has destroyed delight in existence) (From: <http://agama.buddhason.org/SA/SA1316.htm>)

山夜叉宮中，有千葉蓮花，大如車輪，紺瑠璃莖，金剛為鬚。雪山夜叉覩斯事已，即便遣使語彼七岳言：「我宮中有是異物，汝可來觀。」

爾時，七岳夜叉聞是語已，即作心念：「如來世尊近在不遠，可便詣雪山夜叉所言，我當必詣彼，往看寶華。」作是念已，即復遣使言：「我此中有如來、至真、等正覺，在此現形，汝宮雖有如是寶華，為何所益？」

爾時，雪山夜叉聞其使語，侍從五百夜叉，往詣于彼七岳夜叉所止宮中。雪山夜叉向於七岳而說偈言：

「十五日夜月， 圓足極淨明， 聞命將徒眾， 今故來相造，
應當親近誰？ 誰是汝羅漢？」

七岳夜叉說偈答曰：

「如來世所尊， 王舍城最上， 說於四諦法， 斷除一切苦。
說苦從因生， 能生苦名集， 賢聖八正道， 趣向於寂滅。
彼是我羅漢， 汝當親近之。」

…(略)…

爾時，七岳夜叉共雪山等，將千夜叉同時俱往，既到佛所，各整衣服，合掌敬禮，而說偈言：

「婆伽婆世雄⁴， 佛陀兩足尊， 諸天所不知， 具眼悉明了。」

爾時，雪山、七岳等說此偈已，在一面坐。雪山夜叉以偈問佛：

「云何苦出要？ 云何捨離苦？ 世尊為我說， 苦於何處盡？」

爾時，世尊以偈答曰：

「五欲意第六， 於此處離欲， 解脫於諸苦， 斯是苦出要。
如斯解脫苦， 即於苦處滅。 汝今問於我， 為汝如是說。」

雪山夜叉復以偈問：

「云何池流迴？ 何處無安立？ 苦樂於何處， 滅盡無有餘？」

爾時，世尊以偈答曰：

「眼耳鼻舌身， 意根為第六， 此處池流迴， 此無安立處。
名色不起轉， 此處得盡滅。」

雪山夜叉復以偈問：

「云何世間生？ 云何得和聚？ 幾為世間受？ 幾事為苦求？」

爾時，世尊以偈答曰：

「世間從六生， 因六得和集， 從六生於受， 六事恒苦求。」

雪山夜叉復以偈問：

「云何修善法， 晝夜不懈怠？ 云何度駛流， 無有安足處，
亦無所攀緣， 處深不沈沒？」

爾時，世尊以偈答曰：

「一切戒無犯， 智慧具禪定， 思惟眾過患， 具足於念力。
此能度難度， 遠離欲和合， 捨諸有結使， 盡於歡喜有。
如是人名為， 處深不沈沒。」

雪山夜叉復以偈問：

4 【世雄】佛之異名。佛於世間最為雄猛，斷盡一切之煩惱。法華經授記品曰：「大雄猛世尊，諸釋之法王。」(FROM: 佛學大辭典(丁福保))

「誰度於駛流？孰能越大海？誰能捨於苦？云何得清淨？」
爾時，世尊以偈答曰：

「信能度駛流，不放逸越海，精進能捨苦，智慧能使淨。
汝詣諸沙門，及諸婆羅門，各各種別問，誰有知法者？
誰能說實捨？離我誰能說？」

雪山夜叉復以偈問：

「我今聞佛說，疑網皆已除，何須種別問，沙門婆羅門？
世雄善顯示，具實分別說，七岳恩深重，能使我得見。
無上大導師，我今所至處，城邑及聚落，在在并處處，
日夜常歸依，如來三佛陀，法中之正法。」

一千諸夜叉，心各懷踊躍，皆合掌向佛，咸求為弟子，歸依佛世尊。

【結使】 (佛學大辭典(丁福保))

(術語) 結與使，皆煩惱之異名。擊縛心身，結成苦果，故云結。隨逐眾生又驅使眾生，故云使。結有九種，使有十使。

淨心誠觀發真鈔⁵上本曰：「結使。成論云：猶如乳母常隨小兒，能繫縛生死故名為結，常隨生死故名為使，即九結十使。」

大乘義章五本曰：「隨逐繫縛，稱之為使。結集生死，目之為結。結縛眾生，亦名為結。」

【九結】 (佛學次第統編(楊卓 編))

結者繫縛之義。謂一切眾生，因此妄惑，造作諸業，而為眾苦繫縛，流轉三界，不能出離，故云結也。言九結者：

- 一、愛結 二、恚結 三、慢結 四、無明結 五、見結 六、取結
- 七、疑結 八、嫉結 九、慳結

5 《淨心誠觀法》是唐·道宣律師於某年夏安居時所撰，並交付給他的弟子慈忍法師受持。後由宋允堪律師作《發真鈔》註解。